

Julie James AS/MS
Y Gweinidog Newid Hinsawdd
Minister for Climate Change



Llywodraeth Cymru
Welsh Government

Ein cyf/Our ref JJ/02438/22

Jack Sargeant AS
Cadeirydd – Y Pwyllgor Deisebau
Government.Committee.Business@gov.wales

18 Tachwedd 2022

Annwyl Jack Sargeant AS

Diolch am eich llythyr dyddiedig 27 Hydref 2022, mewn ymateb i'm gohebiaeth ar 18 Awst 2022.

Mae Llywodraeth Cymru'n cydweithio â sefydliadau'r sector cyhoeddus i gyflwyno data allyriadau ar gyfer pob agwedd ar weithrediadau gan gynnwys adeiladau, symudedd a thrafnidiaeth, defnydd tir a'r gadwyn gyflenwi drwy'r broses Cofnodi Allyriadau Sero Net blynyddol. Mae hyn yn creu adroddiad cynhwysfawr o allyriadau gweithredol ar gyfer pob sefydliad ac ar gyfer y sector cyhoeddus yng Nghymru ar y cyd. Mae'r data gan gyrff y sector cyhoeddus yn cael ei ddadansoddi a'i adrodd yn flynyddol gan Lywodraeth Cymru trwy ddull Cymru gyfan sy'n dangos cynnydd tuag at uchelgais cyfunol Cymru Sero Cymru 2030.

Mae [Canllaw Adrodd Sero Net Sector Cyhoeddus Cymru](#) yn darparu templed cyffredin a chyson i bob corff y sector cyhoeddus i gofnodi allyriadau i Lywodraeth Cymru. Yn y flwyddyn gyntaf roedd hon yn broses newydd ac yn ymarfer dysgu ar gyfer y rhan fwyaf o gyrff y sector cyhoeddus. Mae'r ail flwyddyn o adrodd wedi dangos mwy o ddealltwriaeth o'r broses gyda 97% o sefydliadau yn adrodd ar amser a gyda mwy o gywirdeb a chysondeb. Bydd y dadansoddiad o'r data eleni yn cael ei gyhoeddi ddechrau'r flwyddyn newydd. Mae adroddiad y llynedd i'w weld yn [Data ac argymhellion Sero Net y Sector Cyhoeddus | LLYW.CYMRU](#).

Mae'r broses yn gweithio'n dda ond bydd yn datblygu wrth i'n gwybodaeth wella. Mae Llywodraeth Cymru a chyrrff cyhoeddus wedi ymrwymo i gynnal y canllaw fel fformat cyfredol, cyson a derbyniol ar gyfer adrodd allyriadau yn wirfoddol gan gyrff cyhoeddus yng Nghymru.

Yn gywir,

Julie James AS
Y Gweinidog Newid Hinsawdd

Canolfan Cyswllt Cyntaf / First Point of Contact Centre:
0300 0604400

Gohebiaeth.Julie.James@llyw.cymru
Correspondence.Julie.James@gov.Wales

Bae Caerdydd • Cardiff Bay
Caerdydd • Cardiff
CF99 1SN

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.